

ERICH KETTENHOFEN. *Tirdad und die Inschrift von Patkuli, Kritik der Quellen zur Geschichte Armeniens im späten 5. und frühen 6. Jh. n. Chr.*, Dr. Ludwig Reichert Verlag, Weisbaden, 1995, 203 p.

ԼՐԻՆ ՔԵՏԵՆՀՈՖԵՆ, Տրդատը և Պալկուլիի արձանագրությունը. աղբյուրներ և մեթոդներ..., Վիսրադեն, 1995, 203 էջ:

Հայտնի է, որ դերմանական հայագիտությունը իր մեծ նպաստն է բերել հայ պատմագիտության զարգացմանը: Մինչև այսօր էլ Հ. Հյուրշմանի, Հ. Մարավարթի և այլ նշանավոր ուսումնասիրողների գործերը չեն կորցրել իրենց թարմությունն ու գիտական արժեքը: Թավուր, սակայն, Առաջին և երկրորդ համաշխարհային պատերազմները ծանր, եթե չասենք՝ մահացու հարված հասցրեցին հայագիտությանը՝ Կերմանիայում, և վերջինս այլևս արտասահմանյան հայագիտության առաջատար երկիրը չէ: Պետք է հուսալ, որ միավորված և երիցս հզորացած Կերմանիայում հետաքրքրությունը հայագիտության նկատմամբ կաճի, և թրևս կարճ ժամանակում կվերականգնվեն տեղալի լավագույն ավանդույթները: Համենայն դեպս՝ զրա առաջին նշանները կարծես թե շոշափիլի են, որոնց արտահայտություններին մեկը էրիս ֆելիքս ֆելիքսի «Տրդատը և Պալկուլիի արձանագրությունը» աշխատության հանդես վաղն է:

Կերմանացի արևելագետի ուսումնասիրությունը ամենից առաջ աղբյուրագիտական բրնույթ ունի, որն, ի պատիվ հեղինակի, խորսիված է պատմական իրադարձությունների լայն հենքի վրա: Աշխատությունը որպես առնականություն պատրաստվել է Տրիբի համալսարանում 1990 թ., իսկ ավելի ուշ՝ 1992/93-ին էպես բարելավվել տպագրության նըպատակով, թարմացվել նոր լույս տեսած գրականությունը:

Հեղինակի հետաքրքրությունը Պալկուլիի արձանագրության նկատմամբ ծնունդ է առել բավականին վաղ. 1981/82-ին Տյուրինյենի համալսարանում տեղեկացված գիտական սեմինարը ի թիվս այլ հարցերի բնության է առնում Պալկուլիի արձանագրությունը: Աշխատության հեղինակի հիմնական ծանոթությունը արձանագրությանը կապված է հղել «Առաջավոր Ասիայի» Տյուրինյան ատլասին կազմման աշխատանքների հետ: Դիտելով տիպիկական ժամանակաշրջանի բարսկը կազմելիս նա լըր-

ջորին ուսումնասիրում է ներսևհ (ներսևհ) Սասանյանի թողած արձանագրությունը:

Ուսումնասիրությունն ունի կարճ ներածական, ուր հիմնական դերով տրված են հեղինակի առջև դրված և ուսումնասիրված խնդիրները: Ապա ընթերցողին է մատուցվում օգտագործված լեզունագրությունների և գրականությունների ցանկը, որը իր մեջ է ներառում հրապարակի վրա եղած և հարցին վերաբերող գրեթե ողջ գրականությունը: Հեղինակը օգտագործել է ներսևհի, Սասանհ 1-ի և Կարտիրի (Կերտիր) արձանագրությունների բոլոր հրատարակությունները, պարթևական գրական հուշարձանները, ինչ հայկական, հունական, լատինական, ասորական, արաբական և նոր պարսկերեն բաղաժիթ սկզբնագրություններ: Ուսումնասիրությունների ցանկում որոշակի բաժին ունեն հայ և ուս հետազոտողների գործերը: Հեղինակը լայնորեն օգտվել է նաև բարսկական հայկական սյուրներից, ինչպիսիք են՝ Ս. Երևանի, Հ. Հյուսանի, Ս. Պերկերի, Թ. Ռիփլինգերի, Հ. Բենների և իր իսկ՝ հեղինակի կազմած պատմական բարսկներն ու աղասները:

Աշխատության բուն շարագրանքը սկսվում է Պալկուլիի արձանագրության տեղագրությամբ: Բնագրի առաջին հրատարակիչը եղել է է. Հերցֆելդը, հետագայում Վ. Բ. Հեննինգը և Պ. Օ. Սկյարվոն որոշակի ճշգրտումներ են մտցրել նրա ընթերցման մեջ, տվել թարգմանությունն ու մանրամասն մեկնաբանություններ: Հեղինակը ընթերցողին է ներկայացնում արձանագրության այն մասը, ուր հիշատակվում են ներսևհին շնորհավորանքներ հղած երկրներն ու տիրակալները, ապա և մանրամասն քննության առնում այն շատակորեն ցույց է արվում, որ հիշյալ ցանկը աշխարհագրական կանոնավոր հերթականություն ունի: Քննությունն ընդգրկում է տարածական առումով Սասանյան Պարսկաստանն ու շրջակա որոշ երկրներ: Կարևոր ենք նկատում անդրադառնալ Բաղասականին, մադքութների երկրին և Տրդատի թագավորությանը, որոնք որոշակի

Հետաքրքրություն են ներկայացնում Նալբանդյանի տեսանկյունից:

Հեղինակը հակված է կարծելու, թե Բաղասականի տեղագրությունը դժվար է ճշգրիտ որոշել: Այսուհանդերձ, տալով հարցի պատմությունը և աղբյուրագիտական նյութը, է. Քեննեդինը գալիս է այն եզրակացության, որ Բաղասականը պետք է հատկացնել Աղվանից աշխարհին: Բաղասականի տեղագրությունը կուրի ձախտվելու, ընայած արարական աղբյուրների որոշ հակասական տվյալներին և ն. Ազոնցի եղբայրություններին, կասկածներ չի հարուցում, ինչը հստակորեն հավաստում է հայկական «Աշխարհացոյցը»: Վերջինիս ընդարձակ խմբագրությունը Քուստի-Կապկոսում միաժամանակ հիշատակում է թե՛ Բաղասականը և թե՛ Սիսականը (Սյունիքը): Եվ քանի որ հայտարարված 13-ի փոխարեն աշխարհագրական երկը նշված քուստում հիշատակում է 14 աշխարհի անուն, ապա կասկածից վեր է, որ սկզբնապես զրանցից մեկն ու մեկի անունը բացակայել էր քանդակում: Հայացիկ ծանոթությունը անգամ ցույց է տալիս, որ Սիսականը րենգրում կարող էր հայտնվել միայն 571 թ. հետո, երբ Սասանյանները Սյունիք-Սիսականը վարչականորեն անջատեցին Արմենի կամ Հայքի մարզպանությունից: Դրան հակառակ՝ Բաղասականը որպես առանձին վարչական միավոր կարող էր գոյություն ունենալ միայն V դարում, ինչպես հավաստիացնում է Եղիշի աշխատությունը: Այն որպես Թագավորություն և զբաղվել իսկ որպես անկախ վարչական շերտ շան գոյություն ուներ Վարդանանց պատերազմի շրջանում և դարի վերջին՝ ամբողջությամբ կորցնելով իր որոշ վարչական ինքնուրույնությունը (որովհետև Թագավորությունը պարսիկները վերացրեցին V դարի կեսերին), լիովին ներառվեց Աղվանից մարզպանության մեջ: Բաղասականը չէր կարող տարածվել Կուրից հարավ ընկած շրջանում, որովհետև նույն «Աշխարհացոյցը» այստեղ հիշատակում է Աղվանից մարզպանությանը միացրած Արցախ ու Ուտիք և Ատրպատականին միացրած Փայտակարան աշխարհները, որոնք վարչաբաղադրական առումով անջատվել էին Մեծ Հայքից:

Քեննեդինը մանրամասն քննության է առնում Մաղբոթների Թագավորության խնդիրը: Ընդհանուր առմամբ ուսումնասիրությունը հաջողված է, սակայն կան մի քանի հարցադրումներ, որոնց վրա կամենում ենք հրավիրել հեղինակի ուշադրությունը: Մի կողմ թողնելով մաղբոթների հոնական ցեղ լինելու հանգամանքը (հեղինակն այն կապում է ուշ ժամանակների ավանդույթի հետ), առկասկած է, որ մաղբոթները էթնիկ առումով պատկանել

են իրանական աշխարհին և մտել ալանական ցեղախմբի մեջ: Հայտնի է, որ Մաղբոթաց Թագավորները Արշակունի էին, իրողություն, որը մեղ իրավունք է տալիս նույնացնելու մաղբոթներին և Տակիտոսի կողմից I դարում հիշատակված Սկյութական Թագավորության րենակիշներին, որոնց Թագավորը նույնպես Արշակունի էր, այսինքն Արշակունյաց արքայության կրտսեր որեւէ մի ճյուղի ներկայացուցիչ, որի հյուրընկալությանը անհաջող կերպով փորձեց ապավինել պարթևական և հայոց զահր կորցրած Վոնոն Թագավորը: Կարելի է եղբայրացնել, թե մաղբոթները I դարում դեռևս գտնվում էին Հյուսիսային Կովկասում, և նրանց ճնշման տակ էր, որ զարդարացիներ, ուղիները և մի շարք այլ ցեղեր, որ րենակվում էին Հյուսիսային Կովկասում, շարժվելով հարավ՝ մուտք գործեցին Այսրկովկաս, Աղվանքի տարածքը: Մաղբոթները, հավանաբար, նոր հայտնված ցեղերի ճնշման ներքո իրենք ևս ներխուժեցին Այսրկովկաս III դարում, բայց ոչ թե դարի վերջին, ինչպես կարծում է Պ. Օ. Սկյարվյոն, այլ հավանաբար Սասանյանների՝ Պարսկաստանում հաստատման խոնակ շրջանում: Ընդհանրապես չի բացառվում, որ նրանց մուտքը Այսրկովկաս կատարվել է Մեծ Հայքի Արշակունյաց Թագավորության թուլությունից, բայց, սակայն, եթե այդպես իսկ էր, նրանք որոշ ժամանակ անց դուրս եկան Հայոց Թագավորության վերահսկողությունից: «Աշխարհացոյցում» Ասիական Սարմատիայի նկարագրությունը ցույց է տալիս, որ վերջինս իր մեջ ներառում էր նաև Արևելյան Այսրկովկասը, որտեղ րենակվող ցեղերը բաղադրված էին աշխարհի մաս չէին դիտվում: Անուղղակի տրվյալներից պարզվում է, որ այս կացությունը կարող էր լինել III դարի կեսերին, որովհետև IV և V դարերում վիճակը արմատապես փոխվում է: III դարում մաղբոթները տիրում են ամբողջ Աղվանքին, և նրանց Թագավորությունը ավանդույթի ուժով ստանում է Աղվանից անունը: Ավելի ուշ, երբ պարսից արքունիքը տիրեց Արևելյան Այսրկովկասին և ստեղծեց Աղվանից մարզպանությունը, հիշյալ տարածքները ուղղակի կամ անուղղակի վերագրվում են Աղվանքին: Մաղբոթաց Թագավորության շրջանի նշված իրողությունը պահպանել է փավստոս Բուզանդը, որի խոսքերով Գրիգոր Լուսավորչի թոռ Գրիգորիս եպիսկոպոսը ռենաս յաստիճան եպիսկոպոսության աշխարհին Վրաց եվ Աղաւանից՝ այսինքն սահմանեցն Մաղբոթաց: Վերջապես, մաղբոթների կողմից ողջ Աղվանքին տիրելու իրողությունը պատճառ է գործել, որ Գուգարաց րդեշխությունը կոչվի թի մուգրեթաց կողմանէ, ինչպես հավաստում է Աղա-

Թանգեղոսը Բուն Մազքթաց Լրկիրը գրադեցնում էր Դարբանգի կամ ավելի հին անունով հայտնի Չոդի շրջանը և հարակից տարածքները, սակայն մադրութների քաղաքական իշխանությունը տարածվում էր ողջ Աղվանքի վրա՝ մինչև Կուր մեծ գետը:

Հեղինակի բնությունը կարևոր առարկան է Պայկուլիի արձանագրության մեջ հիշատակված tyldi MLK'-ը (Տրդատ Թաղավորը): Այս առնչությամբ մանրագրին բնության է ևնթարկում հայկական, հուն-հռոմեական աղբյուրների տեղեկությունները Տրդատ III-ի և հայոց դարձի վերաբերյալ: Հեղինակը մի ամբողջ ևնթաղուխ է նվիրել հիշյալ հաղորդումների և նրանց վերաբերյալ ուսումնասիրությունների վերլուծությանը: Ոգտադործված են բոլոր հաղորդումները, թվագրումներն ու նրանց համեմատական բնությունները, ևկակտ ունենալով այնպիսի ճշգրիտ հայտնի թվականներ, ինչպիսիք են Նիկեայի ժողովը, Դիոկղետիանոսի կառավարման տարիները և այլն: Ամբողջ բնությունը ցույց է տալիս, որ Քեննհոֆենը քաշածանթ է բոլոր նյութերին՝ իրենց մանրամասնություններով և մատուցում է համադրական և համեմատական հետադադություն, հաշվի առնելով արդի պատմագիտության նվաճումները: Մասնավորապես նա կանգ է առնում III դարի ժամանակագրության և հայոց տիրակալների իշխանության տարիների ճշման վրա:

Իմ կարծիքով, որոշ վիճելի դրույթներ կան III դարի վերջի քաղաքական իրադարձությունների հետ կապված: Տրդատի զահակալությունը Մեծ Հայքում 287 թ. կամ դրանից շատ շանցած կատարվել է Հռոմի և Սասանյան Պարսկաստանի միջև փոխադարձ համաձայնությանը: Համենայն դեպս, այսպես կոչված Տիրանակերտի արձանագրությունը, որ, ըստ իս, դրվել է Տրդատ III կողմից, վկայում է, թե Աղծնիքի տարածքը նվիրկերտ (այժմ՝ Սիլվան) քաղաքի շրջանով գտնվել է հայոց զահակալի իշխանության ներքո, իրողություն, որ մենք չենք տեսնում 298 թ. Մծրինի պայմանագրում: Հայոց զահակալի շնորհակալական կեցվածքը և՛ Հռոմի կայսեր, և՛ Պարսից արքայից արքայի նկատմամբ հավաստում է, որ Տրդատի զահակալությունը ընդունվել է թև՝ մեկի և թև՝ մյուսի կողմից, չնայած անտարակույս Տրդատը առավելապես գտնվել է Հռոմի ազդեցության ոլորտում: Միաժամանակ այլ աղբյուրներից դժվար չէ տեսնել, որ Ներսէ Սասանյանի իշխանությունը պահպանվել է Մեծ Հայքի արևելյան մի ինչ-որ հատվածի վրա և ոչ թե նշանակալից մասի, որովհետև Գրիգոր Լուսավորչի քանտարկությունը, որքան էլ առասպելներով շղարշված, իրականություն է,

հետևարար գոնե մինչև Այրարատը ներառյալ պետք է գտնվեր Տրդատի իշխանության ներքո:

293 թ. Ներսէն տիրացավ Լրկար փափազած պարսկական զահին: Այդ ընթացքում տեղի ունեցան մի շարք իրադարձություններ, որոնք լոկ անուղղակիորեն արտացոլված են Մծրինի պայմանագրում: Պարսիկները Հռոմին են դիջում հայկական հինգ Լրկրամասեր՝ Անդեղտունը, Մոփքը (Մեծ Մոփքը), Արծնը (արևելյան Աղծնիք), Կորդուրը և Մավտեքը, որոնք սակայն միջազգային իրավունքի տեսակետից Հայաստանի մաս չէին գիտվում: Ըստ իս՝ Ներսէն որոշել է նախքան զահի համար պայքար սկսելը լեզու գտնել հայկերի և Հռոմի հետ: Ըստ Լրեույթին Տրդատին են տրվել արևելյան Մեծ Հայքի շրջանները, սակայն նշված հինգ Լրկրամասերը՝ իրենց ռազմավարական կարևոր դերի պատճառով, Ներսէն ինչ-ինչ պայմանագրով ստացել է, պահպանելով Հայաստանի մեծ արքա տիտղոսը: 298 թ. հիշյալ առաժեյները անցան Հռոմին, որը շատ շանցած դրանք հանձնեց Մեծ Հայքի Թաղավորությունը, որով իսկ պարզ է դառնում, թե ինչու այդ Լրկրամասերի տիրակալները սերտորեն ներառված են Մեծ Հայքի ավատատիրական սանդղակի մեջ:

Աշխատության մեջ հստակ նույնացված են tyldi MLK' (Trdat Sah)-ը և հայոց Տրդատ III Թաղավորը, սակայն մինչև 293 թ. նրան ավելի փոքր դեր է վերապահված, քան իրականում էր:

Ըստ իս, դժվար է համաձայնել հեղինակի կողմած ժամանակագրության մի քանի կետերի հետ, ինչպիսիք են՝ Մարսիմինոս Դայա կայսեր արշավանքը թեկուղ թեականորեն 313 թ. թվագրելը, էլի թեականորեն՝ Գրիգորի կաթողիկոսությունը 314 կամ 315 թ. ղնելը և այլն: Այս խնդիրները գրախոսության լուծելիք հարցեր չեն, ուստի չենք անդրադառնում մանրամասնին:

Աշխատությունը օժտված է Սասանյանների տոհմածառով, քարտեզով, Պայկուլիի արձանագրության վերականգնման գրաֆիկով և այլ հավելվածներով: Տեղանվանական և անվանական ցանկերը մեծապես օգնում են աշխատությունից օգտվելուն:

Էրիխ Քեննհոֆենի աշխատությունը իր ամբողջության մեջ հաջողված գործ է և լուրջ ներդրում պատմության գանձարանը: Պետք է հուսալ, որ նա հետագա աշխատություններով նույնպես իր որոշակի նպաստը կրերի հայագիտությունը:

Պատմ. գիտ. զոկտոռ Ռ. Հ. ՀԱՐՈՒԹՅՈՒՆՅԱՆ